

Europe.

golds/vnnd füret an die statt einn eisen mßing ein. Da ward alle vrsach zu stelen auffgehebt. Darnach das er allen überflus auß der statt vertribe/verschuff Lycurgus das reich vnnd arm bei einander an gemeynem tisch essen solten/einerley speiß vnnd tranck.

In disem mal giengen auch die kinder als in ein schül aller zucht/da lernten sie höfflich reden/schimpffwort/vnd on leichtfertigkeit kurtweilen vnnd scherzen.

Vor allen dingenn verhüttet Lycurgus alle müßigkeit/welche er bei ein vrsprung alles übels sein vermeint. Die Jungfrawen wurden zeit verheyrat/vnnd erzug kein vatter sein kind.

So ein alter nimmer mann mocht sein/vnnd sein weib besamen/war es im vnnd der frawen ganz eerlich/so er etwa ein eerlichen jungen zu jr einfüret/der sie besamet/vnd dis kind ward nachmals dem mann geboren/vnnd daran solten die männer jr schamhafftig eegemahel selbs weilen/so sie auß scham nit woltenn/damit solich gütter acker nit on frucht blibe. Vnnd haltens in summa für einn grosse thorheit das mann küwe vnd roß etwa umb gelt zubringt/vnnd dis güte so er nit zubrauchen weiß/auß eygner lieb andern wil auffhaltē/verlegen vnd entbannen.

Von sibem jaren an ziehen sie die kind in der gemeyn auff/lernen allerley künst/übung/handtirung/zur not vnd nit zur hoffart gehöüig. Dise müssen bis auff zwölff jar barfuß ghen/vnd allenthalb beschoren. Nach zwölff jaren über kompt es einn rock nach gewonheit des lands/vnd weiß noch weder von bad noch von wollust. Ir bett sein auß bingen vn rhor gemacht/darauff nemen sie jr küwe. Den burgeren ward nit zugegeben zu wandern vnnd ander fremb sitten in die statt zubringen. Auch so iemand frembds dahin kam/wurden nit gelitten es werenn dann gemeynem nutz nütze leut. Alle ding solt mann kauffen nit umb gelt/sonder waar umb waar wechßeln.

Item die jungenn solten auff den marck/vnnd ehe in die statt nit gefürt werden/dann sie mann weren wordenn/damit sie nit ehe wollust dann arbeit lereten/vnnd nit mit müßigang vergiffte wurden.

Die Jungfrawen solt man on heyrat allgleich außsteuren/damit sie nit von gelt sonder von tugent wegen erwelt würden. Ein ieder bleib bei dē Lacedemonin wie bei den Egiptern in seines vaters munie